



# Qeqqata Kommunia

## Kommunimi umiatsianik inissiivinnut tunngatillugu malittarisassaq

### *Kommunimi umiatsianik inissiivinnut tunngatillugu malittarisassaq Qeqqata Kommuniani atuutsinneqarpoq*

- Malittarisassaqarnermi siunertarineqarpoq kommunimi umiatsianik inissiiviit pillugit maleruagassaqartinneqarnissaat aamma malittarisassaqartinneqarnissaat.
- Umiatsiaq attartornermut isumaqatigiissummi inissiffissatut takutinneqartumut inissinneqarsimassaaq.
- Umiatsiaq allagartamik kommunimit tunniussaasumik allagartalerneqassaaq, tassanilu allassimassapput attartornissamik isumaqatigiisutip angallatillu inaata normui.
- Umiatsiap eqqaa tamatigut eqqiluitsuutinneqarlunilu saligaatsuutinneqassaaq.
- Malittarisassaq una malillugu umiatsiat tamarmik eqquutsitsisumik inissinneqarsimasut, tamatigut piginnittup akisussaaffigalugillu nalorninartumiititara.
- Umiatsiaq ulissiamik assigisaanilluunniit ulinneqassappat ulia qajannaarluarsimassaaq. Ulissiat erfattut eqqaaniittunut akornutaasut Qeqqata Kommunianiit peerneqassapput.
- Puiaasat naqitsinillit, qaartiterutissat qummoroortartullu umiatsianiiteqqusaanngillat.
- Umiatsiat kuuffilersorneqassanngillat.
- Attartornermut isumaqatigiisutaasut inunnet ataasiakkaanut pigitinneqarput umiatsianullu inissiivik pisiniarnermut, tuniniaanermut attartortitsinermulluunniit atugassanngortinneqassanngilaq.
- Attartornermi isumaqatigiisummik malittarisassamilluunniit matuminnga unioqutitsineq sunaluunniit atorunnaarsitsinermik kinguneqarsinnaavoq.
- Attartorneq qaammatinik marlunnik sioqqutsilluni illuatungeriinnit tamanit atorunnaarsinneqarsinnaavoq. Atorunnaarsitsinerup naanerani umiatsiaq aamma tunngavia il. il. inissiivianiit tamarmik peerneqarsimassapput. Attartortoq nammineerluni atuiunnaarnermut immersorsimasaq kommunimut tunniunneratigut attartorneq atorunnaarsissavaa.
- Umiatsiat inissiiviattut takutinneqartut avataanni inissinneqarsimasut imaluunniit malittarisassamik eqquutsitsinngitsut, allagartaliinerup kingorna 48 tiimit qaangiuppata ilimasaarisoaqqinnani kommunimiit peerneqassapput.
- Qeqqata Kommunia angallatinut inissiivissianiittunut akisussaangilaq. Kommune taamaalilluni tillinniartoqassagaluarpas, ikuallattoqassagaluarpas imaluunniit susinnaangisanik pisoqassagaluarpas akisussaasuunngilaq.
- Angallataatillit sillimasiisarnernut akisussaaffeqarput.
- Qeqqata Kommunia nunap naqillinnerinut imaluunniit aattornikkut ajoqusernermut peratarsinnaasunut akisussaangilaq.
- Angallatinut naqitsivissatut inissiivissamik attartornissamut akigititassaq kommunalbestyrelsimit aalajangersarneqartarpoq, ukiumullu kommunip akigititaatigut naleqqussarneqartarlutik, paasisutissat taakku kommunip nittartagaani [www.qeqqata.gl](http://www.qeqqata.gl)-imi takuneqarsinnaapput
- Inissamik attartorneq ukiumut siumoortumik akileeqqusisoqartarpoq atorunnaarsinnissaatalu tungaanut atuuttarluni. Akinik utertitassaqartoqarpat taakku utertinneqassapput.
- Kommunip angallatinut inissiiveqalerneqanin inissat allagarsiullugit sapaatit akunnerinik sisamanik piffissalerluni neqeroortugineqassapput. Qinnuteqartut inissiivissanit atorneqanngitsunit amerlaneruppata attartornermut isumaqatigiisutit makitsinikkut neqeroortugineqassapput. Qinnuteqartut attartornermut isumaqatigiisutinnanngitsut utaqqisunut ilanngunneqassapput.

### **Atortussatigut pigisat annertussusiat:**

- Angallatinut inissiivissiat tungaanut aqquserngit pingaernerit taakkulu avatalequtaat kisimik sapaatit akunnerannut ataasiarluni aputaajarneqartassapput, tassa apeqqarneraniit januaariip naaneranut.
- Aputaajagassat allat piginnittut ataasiakkaat isumagissavaat.

### **Maniitsumi umiatsianut inissiivimmuut tunngatillugu umiatsianik inissitaqartitsisarnermi atuuppoq:**

- Umiatsiap motooriata nua imaluunniit aqutaa normuanut sammitinneqassaaq, umiatsiarlu sukat inissisimanageri malillugit teqqorissumiitinneqassapput.
- Umiatsiap siua aputaajaanermut napasortaliussat nalaannissaaq.

### **Kinguneqartitsinerit**

*Nunaminertamik atugassiisummik atuisuusoq Pilersaaruserneq aamma nunaminertat atorneqartarnerat pillugit Inatsisartut inatsisissaanni nr. 17, 17. november 2010-meersoq kingusinnerusukkat allannguutitalik § 62 imm. 1 aamma 2 naapertorlugit pissutsinik unioqutitsisunik iluarsiinissaminut pisussaaffeqarpoq. Ingerlaavartumik pinngitsaaliilluni akiliisitsisarnikkut, politiinut suliaassanngortitsinikkut atuisussaatiinanermillu atorunnaarsitsinikkut pinngitsaaliilluni pisumik unioqutitsisumit iluarsiinissamik piginnittuusoq atuisuusorluunniit kommunip ingerlatsivianit peqquneqartarpoq.*

*Pilersaaruserneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersumi § 63 imm. 3 naapertorlugu angallatit qaqqat pisullu allat ileqqoreqqusamik uannga malitsitsinngitsut,*

*eqqartuussivikkut peqqusineramik nalunaarummik pinngitsaalliillunilu akiliisitsinissat malitsinneqarsimangippata, kommunip ingerlatsivianit peerneqassapput piginnittumulluunniit akiligassanngorlugit pisarialimmik iluarsitillugit.*

**Naammagittaalliornissamut ilitsersuut**

*Kommunalbestyrelsip aalajangiinerminik nalunaaruteqareernerata kingorna kingusinnerpaamik sapaatip akunneri arfineq-pingasut qaangiunnerini maalaarut Naalakkersuisut Nuna tamakkerlugu pilersaarusionermut immikkoortortaanut toqqaannartumik nassiunneqassaaq.*

Kommunalbestyrelse ulloq 28. novembari 2024

Malik Berthelsen  
*Borgmesteri*  
Borgmester

Hans Christian Sværd  
*Kommunimi pisortaaneq*  
Kommunaldirektør